

bus, vt si officiū non egerint, malū corpori inducant? Sed & in eum finem, vt quæ subest vtilis qualitas, alacrius se proferat. Ita Viperæ combustæ depurant sese, & in ignem vim pestilentem deponunt. Balanus Myrepsica, vt notat Mesues, vomitū simul & deiectionem elaborat. Quod si assando humiditas eius superflua & nitrosa, ad nauseam cogens ventriculum, excoquatur, sola virtus deiisciendi remanet. Inutilia quo-

*Non amisē-
re vires su-
as, Chymis-
cè præpara-
ta remedia.*

que putantur sui ipsius respectu: quasi perierint, vi operandi quavis proiecta, præparationis iniuriā. Cùm enim vis seu facultas de more qualitatum, à forma depēdeat: eā destructā, facultatem quoq; euauisse necesse est. Sed rectius examinanda singula. Non periēre facultates, siue naturā spectes remedij, à qua promanant: siue artificis peritiam consideres, quæ profert illas: quin potius vegetiores ea obstetricatione prodeūt in lucem. Etenim natura remedij ex di-

*Partes à to-
to auulsa
suas retinēt
vires.*

uersarum partiū συνδρομῆ facultates sortita est, quarum aliæ formam totius insequuntur: aliæ portionum singularum temperiē. Iam ergo Chymici ultrò quoque